

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo trgovine, turizma i saobraćaja

Broj: 05/1-18-16284-4/24
Tuzla, 26.08.2024. godine

Na osnovu člana 23. Zakona o ministarstvima i drugim organima uprave Tuzlanskog kantona- prečišćeni tekst („Službene novine Tuzlanskog kantona“, broj 10/18) i člana 9. stav (5) Odluke uslovima, kriterijima i postupku raspodjele sredstava za sufinansiranje razvoja i unapređenje javne turističke infrastrukture na području Tuzlanskog kantona broj 02/1-18-10819/24 od 14.05.2024.godine, ministar trgovine, turizma i saobraćaja, d o n o s i:

ODLUKU

o utvrđivanju konačne liste projekata koji će biti sufinansirani od strane Ministarstva u okviru raspodjele novčanih sredstava za sufinansiranje razvoja i unapređenja javne turističke infrastrukture

I

Odobrava se isplata finansijskih sredstava u iznosu od 124.080,57 KM (slovima: stotinudvadesetčetirihiljadeosamdeset i 57/100 KM) na ime kapitalnih transfera u oblasti turizma na području Tuzlanskog kantona za 2024.godinu, korisnicima sredstava čiji su projekti odobreni po Javnom pozivu za podnošenje prijave za sufinansiranje i unapređenje javne turističke infrastrukture na području Tuzlanskog kantona za 2024. godinu broj 05/1-18-016284-24 od 17.05.2024.godine, koji je objavljen na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona (u daljem tekstu: Ministarstvo) dana 20.05.2024. godine, kako slijedi:

| NAZIV PODNOŠIOCA PRIJAVE | ADRESA | OPĆINA/ GRAD | NAZIV PROJEKTA | ODOBRE NI IZNOS U KM |
|--|-----------------------------|-------------------------|---|-------------------------------------|
| Turistička zajednica Grada Tuzla | Soni trg br. 8 | Tuzla | „Unapređenje infrastrukture za promotivne oblasti i događaje“ | 21.947,07 |
| Turistička zajednica Grada Živinice | 25 Novembar bb, blok br.3 | Živinice | „I love Živinice“ | 30.000,00 |
| Udruženje građana PSD „POŠTAR“ | Aleja Alije Izetbegovića 29 | Tuzla | Izgradnjom planinarskog doma obezbjediti uslove za boravak u toku čitave godine | 29.400,00 |
| Planinsko pčelarski klub „Eko Majeвица“ | Dubnica-Rudina bb | Kalesija | Adrenalin sa okusom meda | 21.000,00 |
| Udruženje građana „Ponori“ | Gornji Hrgovi-Špionica | Srebrenik | Uređenje lovno-turističke infrastrukture | 8.010,00 |
| JU Centar za zaštitu, razvoj i promociju turizma | Alije Dostovića 3 | Banovići | Adaptacija prostorija za muzej, multimedijalnu salu i suvenirnicu | 13.723,50 |
| UKUPNO | | | | 124.080,57 |

II

Sredstva iz člana I ove odluke izdvojit će se sa potrošačke jedinice 22010001 - Ministarstvo trgovine, turizma i saobraćaja Tuzlanskog kantona, ekonomski kod 615300 - kapitalni transferi neprofitnim organizacijama, funkcija 0473.

III

- (1) Međusobna prava i obaveze između Ministarstva i korisnika sredstava bit će regulisani posebnim ugovorom.
- (2) U roku od 15 dana od dana donošenja ove odluke, Ministarstvo će zaključiti ugovore sa korisnicima kojima su odobrena sredstva, kojim će regulisati međusobna prava, obaveze i odgovornosti.
- (3) Prilikom potpisivanja ugovora korisnici su dužni dostaviti karton deponovanih potpisa od banke sa kojom imaju potpisan ugovor.

IV

Za realizaciju ove odluke zadužuje se Ministarstva finansija, koja će odobrena sredstva iz člana I ove odluke prebaciti na račun korisnika sredstava.

V

Odluka stupa na snagu danom donošenja i bit će objavljena na web stranici Vlade Tuzlanskog kantona i Ministarstva.

Dostaviti:
1 x Web stranica Vlade TK
1 x a/a *92.4.*



MINISTAR

Denis Bećirović

OBRAZLOŽENJE

Članom 23. Zakona o ministarstvima i drugim organima uprave Tuzlanskog kantona- prečišćeni tekst („Službene novine Tuzlanskog kantona“, broj 10/18) regulisan je način rukovođenja ministarstvom.

Odlukom Vlade Tuzlanskog kantona o uslovima, kriterijima i postupku raspodjele sredstava za sufinansiranje razvoja i unapređenje javne turističke infrastrukture na području Tuzlanskog kantona broj 02/1-18-10819/24 od 14.05.2024.godine, utvrđeni su uslovi, kriteriji i postupak dodjele sredstava za sufinansiranje projekata na ime kapitalnih transfera u turizmu za područje Tuzlanskog kantona za 2024.godinu u iznosu od 200.000,00 KM.

Na osnovu navedene Odluke Vlade, Ministarstvo trgovine, turizma i saobraćaja je raspisalo Javni poziv za podnošenje prijave za sufinansiranje i unapređenje javne turističke infrastrukture na području Tuzlanskog kantona za 2024. godinu broj 05/1-18-016284-24 od 17.05.2024.godine, koji je objavljen na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona dana 20.05.2024. godine

Postupajući u skladu sa članom 7. Odluke Vlade Tuzlanskog kantona, Ministar trgovine, turizma i saobraćaja je donio Rješenje, broj 05/1-30-020713/24 od 24.06.2024. godine, kojim je imenovana Komisija za odabir projekata iz Programa sufinansiranja projekata iz oblasti javne turističke infrastrukture na području Tuzlanskog kantona, sa zadatkom da razmotri prijave po Javnom pozivu, utvrdi da li su ispunjeni kriteriji utvrđeni Odlukom, izvrši bodovanje i sačini preliminarnu listu odabranih projekata sa nazivom prijavitelja projekta, nazivom projekta i visinom sredstava za sufinansiranje i projekata koji nisu prihvaćeni sa navedenim razlozima neprihvatanja predloženih projekata, te isti da objavi na web stranicu Vlade i Ministarstva trgovine, turizma i saobraćaja Tuzlanskog kantona, te da nakon isteka roka za prigovor od 5 dana sačini prijedlog Odluke o utvrđivanju konačne liste o odobravanju finansijskih sredstava korisnicima sa iznosima i namjenom.

Nakon što je Komisija izvršila sve zadatke utvrđene Rješenjem o imenovanju Komisije, sačinjena je Preliminarna lista projekata po Javnom pozivu i ista je objavljena dana 02.08.2024.godine, a aplikanti su imali pravo da u roku od pet dana od dana objavljivanja Preliminarne liste, Ministarstvu dostave prigovore na objavljenu listu.

Na objavljenu Preliminarnu listu, u propisanom roku, zaprimljeni su prigovori od prijavitelja projekta, kako slijedi:

1. UG PSD „POŠTAR“, dana 31.07.2024.godine; odlukom Ministra broj 05/1-11-020235-1/24 od 13.08.2024.godine prigovor prihvaćen kao osnovan;
2. Planinarsko pčelarski klub „Eko Majeвица“ Kalesija, dana 02.08.2024.godine; odlukom Ministra broj 05/1-11-019846-1/24 od 13.08.2024.godine prigovor prihvaćen kao osnovan;
3. JU Centar za zaštitu, razvoj i promociju turizma Banovići, dana 02.08.2024.godine; odlukom Ministra broj 05/1-11-020329-1/24 od 13.08.2024.godine prigovor prihvaćen kao osnovan;

4. UG „PONOR“ Gornji Hrgovi, dana 02.08.2024.godine; odlukom Ministra broj 05/1-11-020088-1/24 od 13.08.2024.godine prigovor prihvaćen kao osnovan.

Nakon provedenih procedura Ministar donosi Odluku o utvrđivanju konačne lista o odobravanju finansijskih sredstava korisnicima sa iznosima i namjenom i ista će biti objavljena na web stranici Vlade i Ministarstva trgovine, turizma i saobraćaja Tuzlanskog kantona.

Ministarstvo trgovine, turizma i saobraćaja TK